

頻

羅

庵

遺

集

頻羅庵遺集卷三

錢唐梁同書

詩三

題元鄭彥瑛小楷黃庭經卷

董文敏跋云子家有晉唐小楷法帖二本爲帖中之冠此元人蠅頭書深得晉人風韻其昌題卷末題云泰定二年乙丑三月廿九日武林鄭瑤彥瑛書并朱文印前有大將軍年羹堯印

吾杭元代多詩人書家獨數仇山村亦有寓公吾睹子篆籀學古追周秦至於小楷擅場少得松雪法吳福孫誰歟寫此換鵝帖絹本縮於王右軍不施闕道直若綫

蠅頭精絕規模勻偏從窄處見寬綽却用全力逾丰神
鄭瑤其名彥瑛氏泰定二年月在春自署武林譜失載
可知傳少彌堪珍吾家舊藏倪迂卷出自寶笈頒先
臣內景全帙五千字自首至尾無脫文筆如游絲之輕
颺冉冉欲墮空凡塵玉虹鉤勒幾歲月珉石始得傳其
真以君此卷相比較邢尹不須優劣分一爲逸品一能
品思翁而在宜云云

題袁簡齋先生重到沐陽圖

五十年前舊使君重尋前度種花村風髯雪鬢仙人貌
白飯青芻地主恩說尹田翁如作社休官陶令有攀轅

潼陽從此添佳話畫本流傳異代論

題雨窗

阿林保

運使導山詩圖冊

昔年會到鏡湖濱快閣前頭打槩頻可惜導山空過了
合將風物讓詩人

賦鹽使者摩圍老萬歲鄉中十首詩一段風流今不滅

稅巾散帙吏休時

啼鴉散書帙休吏稅巾
衣山谷賦鹽詩中句也

靜裏鈴聲復櫓聲小棠官舍有餘清天風斷處呀唔答
山鳥汀鷗總不驚

江東一角寫新圖佳話流傳比白蘇更勝舊時風月主
鑑湖管領又西湖

題恒上人山水小冊

宗鏡堂頭鶴阿師煙雲幾筆繫人思樹皮石骨真如相
大似相呈覲面時

杏花

緋桃未放細梅落占斷生紅一倍賒春半小樓微雨後
秋千別院數枝斜長安陌上繁如錦冠氏園中爛若雷
見遺山集遙憶白袍門外客探花畢竟屬誰家
時家有試禮聞者

題項一鳴贅髯照

先生作達意云云莫使髡然得共聞倘遇化鬚沈畫史
便思十鬣向君分
趙鳴玉髡然無鬚姚存道爲之告助於周宗道於其于思之間分取十鬣

請沈周作化鬚疏一篇見四友齋叢說

題詩客亦繞諸毛

謂袁簡齋平確齋兩公

妙謔真令意也消笑殺

焦山綸長老

用東坡焦山題綸長老壁詩語

夜來會否睡通宵

題蔣春雨戴笠小照

前年曾識詩人面今日圖中復相見天生此老只吟詩
面有寒冰清一片蓋頭自喜天公覆那計人間戴笠陋
試看糠藪車中肥何如飯顛山頭瘦

題平確齋

聖臺

秋山習靜照

萬壑千巖清淨地六橋三竺去來機分明活脫髯翁面
何日新裁設諾衣

流泉入耳絕凡響落葉打頭無我猜此是石霜枯木坐
被誰賺得出山來

慚愧生天慧業難卅年林下欠安單老夫也愛閒餅拂

畫个支那當我看

灰虛中公曾爲
子畫過去僧像

題羅兩峯畫羲之寫經籠鵝圖卷

右軍名迹已沈冥韻事流傳照汗青却笑坡翁詩句裏
直書一紙作鵝經

千古風流羽士倫幸因畫手爲傳神山陰尚有籠鵝者

誰道當年換竹人

傳給事籠鵝換竹山陰勝絕事獨
不甚傳鄉人以爲憾見放翁題跋

蘇祠圖四絕句爲秦小峴觀察題

圖出陳君
花南筆

蘇隄祠說惠卿摧舊跡憑誰問劫灰

靈隱志載蘇隄舊有公專祠爲呂惠

卿所恰好湖壩畱片地要將風月埽煤灰

二字取盧全月蝕詩中意

詩翁湖社久無存

數十年前西湖詩社爲極盛

曾向孤山薦酒尊異

代蘋蘩誰是主只今淮海本通門

主張騷壇要替人諸君排日鬪清新衰殘自分枯腸盡

未敢從公拜後塵

披圖我識陳驚坐畫筆詩篇兩足多他日西湖志流寓

蘇祠粉本補清波

南宋陳清波工畫西湖全圖見田志

和盧抱經同年壬子重游泮宮詩二首

我友鏗鏗盧白頭

國子博士盧白頭字景裕學極六經疏通百氏見洛陽伽藍記經生

事業幾時休錦袍學士無前輩青領兒童是舊游

青領之生

卽青衿亦見伽藍記

故事後先傳里社

重游之作始於袁簡齋錢與沙兩先生君其再矣

新題吳越徧江州他時許我稱龍尾屈指來遲只數秋

同書自入泮來已五十三年矣

黌舍重來衣錦行當年曾此集羣英幾人不負科名字
萬里須由跬步程祕殿揮毫前學士元亭握槩舊諸生
成精門子驚相訝老戀儒酸尚有情

壬子七十自壽

居然社櫟得天全顧盼曾邀匠石憐一事比人差勝處
不會強仕已歸田

前時自喜歸林鶴此日將爲入肆羊三十五年風過耳

便饒百歲也尋常

子自戊寅歸里至
今已三十五年

酒肆淫坊我未曾誦經拜佛也羞稱鏡中頭腦光圓在

猶勝虛充有髮僧

顛毛脫
盡已久

老矣空驚歲月遒十年不讀更何尤平生總被陳元誤

自小磨人白了頭

人生何必計千秋一霎風燈過眼休莫道金門曾獻賦

我無遺棄被人求

手擲九泥五十年看從豪末到攙天主人老矣將爲別

酌酒花前一惘然

謂窗前
紅梅

婚嫁已完三世累髮膚無負百年身算來只有傭書債
是我今生不了因

莫說增年是減年增年增老亦徒然打鐘行者今吾是
一日完他一日緣

已是平頭七十人姓名久不挂朝紳老妻點檢閒箱篋
重整宮袍待飾巾

爲謝親知破俗牽怕聞好語慰殘年老夫自祝飛光酒

一具桐棺萬楮錢

是日列凶具於門以謝客

辱王臞菴孝廉

庚期

以詩爲壽次元韻答謝

敢云身世託鴻冥生愛巢南傍翠屏萬里搏風無健翮

九秋警露有孤亭

用老杜酬薛十二丈韻意

亦知散木終依社猶幸

空山不厭齡

盧仝送伯齡出山云伯齡不厭山山不養伯齡

慚愧先生珠玉贈

兩章如月字如星

兩章對秋月一字偕華星老杜句

平生自省百無能祇稱堂頭粥飯僧去日已判同逝水

餘年難駐似春冰形容瘦過池邊鶴筋力孱輸秋後鷹
一笑業緣猶未了空教天闕剡溪藤

慧日峯主以逢渠圖示頻羅居士居士合十指爪

而說偈曰

世間煩惱泥有身一大疾一切彼此見因緣我念發我
今白佛言還試向我覓譬如空中雲刹那干變滅又如

水中月捉摸何所得我且無我相而誰與我匹無行亦無住而誰與我暱所以離我我乃入不二訣若以我認我渠復是何物若以渠認我渠又作何說何如兩泯之所向世界闊南村與東坡形影徒饒舌是二還是一仁者自分別是有還是無他我一齊歇請問逢渠者喫得幾棒喝

信口

平生心眼儘寬閒不踏芒屨只閉關偌大乾坤無看處
一重山外幾重山

打殺佛子燒却佛丹霞雲門兩古德試教舉示藥山僧

遮眼何如不遮得

無情最是鳩居鵲多事誰如蝶負蛉會得風人比興意
勝於居士淨名經

題張樗園

緯

畫折枝花果冊

感遇歸來戶畫扁肯將姓氏托丹青硯經焚後畱圖繪
果僅存時見典型名跡自來多歷劫殘縑偶爾亦通靈
分明入市完然在剩與君家鎮六丁

荆溪令唐陶山

仲冕

母權厝山東之平陰父葬於

楚清宦力不能歸母喪以合葬因畫齊楚丙舍圖
乞題父山東令故母之柩在齊父死後二十六年

荆溪公奔喪歸葬於鄉也

楚是老翁泉齊是桐鄉邑何時終合并暗灑臯魚泣
游子守一官匏繫江南住願將望雲心化作雲來去
誓飲官中水恨無絲上田先人做廬在不得守荒阡
樹靜風不寧瓶罄罍之恥母也殞天涯兒心誰諒只
哀哀烏鳥心憂煎填劇海不聞歐公云非緩蓋有待
我知孝子孝益信廉吏廉清白有如此亦足慰幽潛

題程星來照

憶余初識君詫君好顏色春風生廣庭陽氣滿大宅卽
今年古稀神明不改昔叩君胡能爾疑得導引力君言

我無他祇自適其適有子老而傳了不挂胸臆或參無
事禪不學長生癖誰歎傳神手能寫君心迹白雲本無
心青松鎮常寂偶然天風吹掖君入山石雲衣與松釵
一一隨屨舄得天旣獨全行樂亦何極他日訪君來山
陰道上覓

題錢塘學博嚴訥庵

殿講

拈花有覺圖照

滿眼春風自在開阿誰吟遍好蒼苔電光石火分明悟
底用桃花作飯來

維摩善病元非病

時訥菴病

丈室天花亦偶然畢竟拈來猶

染著不如斬却葛藤纏

燈下偶有所觸書此

持身要比薇蕨草
眩眼須防萋蕩花
爲語少年諸子弟
人問何路不三義

己未二月二日大風雨不得會葬汪掌六兄

與君白首共親知
風雨能忘會葬期
爲怯衝泥吾老矣
隻雞絮酒獨來遲

孤村野廟三叉路
雨橫風狂二月天
愴絕山頭銜土燕
漆燈無焰伴長眠

題莊邱山攝山采藥圖照

毘陵先生癖於詩
毘陵先生見放翁題跋
雕琢肝腎摧心脾
數升

歐血不肖已三年蓄艾難爲差
芑鞵忽動游山興藥草
曾傳攝山勝置卻奚奴古錦囊
攜來杜老長鑱柄我聞
佛說大地都是藥不知何品能醫
作詩病君家黍園著
養生木雞之喻理更精願君慎
莫事吟弄亦莫登頓勞
吾形陰陽六疾淫爲厲嵐氣侵
入傷充盈祖洲神芝那
可得五葉三極亦難覓乞靈草木
徒爾爲不如默坐一
室數龜息先生笑不語提筌徑歸
去技癢又成采藥句
寫示長牋數百言笑予未識其中
趣

別
錢竹汀少詹來湖上辱贈長句奉答二首卽以送

晨興乾鵲噪簷端千里人來話別顏七日河壩曾並舫

庚戌遇於

臨清阻關八年湖畔又看山天留老眼分宵晝客進泊

輦競往還

詩來政逢社日

帳底異書容我乞殘年猶望起衰頽

四先生後一先生經筵紛綸并大春行世文章無老輩

藏山事業有傳人一杖杖已光如鑑

八年前所贈

七字詩來

重若珉京國故交無幾在祝君珍重草堂身

前庚申是某入泮之年今又將屆期有感而作

袁盧舊事已山阿

謂重游泮宮倡和之作

人世推排奈老何想到

黃衫年少日此生爭不悔蹉跎

樵星門外走循牆六十年前弟子行尚有青衿同輩在

重來敢說舊劉郎

象山學博溫一齋寄示蓬萊觀唐貝冷該繇書碑
羅隱磨厓東谷二字并自作東谷圖系之以詩索

題勉酬一律

蓬山兩度走長鬚手拓唐碑寄老夫勝賞獨尋東谷字

臥游疑展北風圖

來詩有空谷澄懷暑漸銷句

鄭虔妙技詩兼畫太

白高情月與吾想見此行奇絕處海天踏徧翠模糊

和張芑堂移居三絕句

主人生計本長貧辛苦營巢仗所親

君時病足整葺屋事皆親家助理之

回首先人做廬在秋風茅屋總前塵

卜居聞傍鄭公鄉

屋後卽鄭端簡公獨寤園舊址

五架三間一草堂祭

竈請鄰先地主詩人自古敬維桑

石鼓瓦當分一席經籬視匣足三車牆東若有閒田地

須補當年舊種瓜

尊甫於舊居種瓜一區卽以瓜圃自號故云

題歛人汪節庵製墨二十二韻

客從新安來遺我墨數笏製出汪芑氏節庵其字曰萬
杵桐花膏劑以香麝鬱入手圭有稜光可鑒鬚髮洗拭
我陶泓濡染我燕弗蛟翻黑雲涌鸚潤碧眼活愛之不
敢磨急藉豹囊括我昔有墨癡小品勤拾掇奚李不可
求羅邵方程訖粲粲百十枚遽爲豪者奪輦致去遠程

將以貢天闕什襲偶不謹璧碎十之八成毀會有時得
喪竟倏忽我本寓興耳志不在玩物近世藝粟齋名與
昔髣髴亦有密庵老仿古意傾豁汪君乃後起茲藝萃
中拔所嗟暗劔投蛇蚓空天闕胸無一寸書甘受飲水
罰況今老且衰腕彊不得屈署款到賤名面有某某著書之墨故云
將毋墨君艱無以酬主人五字慙惡札

壬戌八十生辰二首

百年三萬六千日我閱朝昏二萬寬只有鬢毛催我老
本無鱗爪與人看目愁旣竭書頻捨行不教扶拜已難
石火電光眞頃刻莫將鬢鑠被它瞞

言從京國返鄉枌一倍韶華又過雲
少日登場聊爾爾
殘年喫飯且云云頑軀縱健難辭老
夙債唯書莫解紛
眼底知交無一在楓青月白悵離羣

題華秋槎北山旅館卷子

吾家住近城西曲百步城闌瞰湖淥
壯無濟勝老逾孱
慣被山靈笑吾俗梁谿老友本仙吏
只隔江鄉五百里
昔時奉母駐輕軒愛殺門前一湖水
從此勾畱三十年
不關陽羨歸無田堤邊花柳相邀約
橋外鷗鳧也挽牽
客來莫問人何處遙指湖濱鴨腳樹
千尺過墻大十圍
蟠根滿院龍蛇布主人晝日長掩關
坐對嘉蔭開心顏

偶然曳杖出門去踏遍北山前後山風月當年此占多
祇今唯剩舊烟波韓驢賈蟀供憑弔薜壁荒臺費剔磨
奚囊破錦零星紀要與林栖訂小志君所著有一曲從北山小志
今屬寓公全家等是依吳地記取牛鳴水磨頭白石道
人是隣比

挽趙省齋

古意如君少今之陳仲弓鄰人罷社日君没于社前二日弟子

哭春風憶昔青門裏論交阮巷中卅年晨夕過已矣足

音空

如何大暮賦不到古稀年志紉長貧累顏衰積病纏百

年遺篋在一子著鞭先耄及行垂盡相期在九泉

題東林書院產芝圖爲顧響泉

相逢白隄畔如覩紫芝稀示我慈山畫宜君講席依春
風馬融帳五色老萊衣持奉高堂上談經有母韋

題張菊溪

百齡

廉使雲樹歸舟圖卽送之黔藩任

辱公車騎數經過忽漫相逢欲別何天下青山行處半

孟郊詩舊說天下
山半在黔中青

坐中白髮去思多蠻童獠婦歸懷畏

崗草江花入嘯歌莫道 帝城雲樹遠他年旄節返鳴

珂

書事二首

癸亥冬一

蒼狗浮雲世態同無端骨肉更與戎鼠猶有體人胡視
雀縱能穿技轉窮莫怪纓冠皆閉戶可堪涕泣是彎弓
生平不信偏遭蹇垂老還禁馬耳風

從人漫說營三窟顧我何曾挂一絲落店飛龍空出骨
首山隱豹不留皮傳虛傳實渾間事全受全歸會有時
他日凌雲堪一笑不知誰黠復誰癡

書汪復園

臺

紅板橋詩畫冊後

冊內凡二十人詩皆卽席手書唯先君子續賦
八韻越日命同書補書因盡讀諸老之作予甫
弱冠也不意六十年後復於思亭二兄

吳修

篋

中見之感而有作遂附錄冊尾嘉慶九年七月
之朔同書時年八十有二

板橋流水傍城闔此地曾經撰杖頻讀書又逢今甲子
憑闌無復舊庚辛
蒼露白思諸老臥柳殘陽少過人
贏得昔年詩句在一番童耄話前塵

題陳九儀

韶

仿古畫冊

述菴先生吾畏友一代詞場斲輪手風雅端能被後生
掄揚輒向誇誰某絳帷弟子潁川陳詩名耳熟殊凡倫
尤工繪事逞餘技有才不偶徒風塵風塵漫說卑棲穩
落拓官身稱吏隱一檄來從青浦濱家江恰與錢湖近

湖山藹藹湖波澄衙齋几淨鋪溪藤折腰敢笑種秫令
署尾胡礙哦松丞官閒大可供瀟灑况有丹青足陶寫
昨來示我幾幅圖幅幅林泉總清雅神明古法師古意
眼前誰復如君者我昔聞陽城主簿陳仲仁畫格直與
吳興鄰又聞待詔陳子久渲染徐熙得八九君家家法
本天機一官可惜轅下鞿却將墨藩了公事等是江南
胡不歸卅年我愧林間住爲欠平生濟勝具讀君畫本
贈君詩胸中觸撥雲煙趣安得煩君遍寫湖上山坐臥
空堂長不去

題萬梅臯同年東齋課讀圖卷

梅臯於我五年長氣勢欲奪千熊熊八十生兒已就傳
一經授讀猶忘疲篝鐙忽憶小年事歷歷自陳危苦詞
揚州羅聘好畫手乞畫老子成童時在昔嚴君教子切
別起夏屋開書帷榜曰東齋奧且曠牕疏洞達延朝曦
齋後籤列書萬卷齋前弟子偕經師一反背立一傾耳
翻水聲疾度葉遲隻字譌誤予十笞前鑒後誠申家規
卽今門才盡騰蹕雖鳳頭角非凡兒收威奚必事夏楚
勵學要在勤畚耨只恐丈夫愛少子欲加鞭策難爲施
此圖之作有深旨現身說法夫如斯不然于不逗然于
然一笑安知我不知

題馮百史歲還硯圖

角里傳觀舊鳳池我曾蘸筆寫烏絲

馮孟亭前輩購得祖硯作奉硯圖徵

同人題句角里孟亭所居鳳池硯上所鐫字也

那知昔日圖中叟還入君家畫

裏詩五世百年無脛至兩邦一姓置郵奇

用置書郵字

讀君

長句徵先德片石端爲廉吏垂

百史五世祖馮訥生先生名雲驤由進士教授

官至提學僉事今百史來浙補令故云

寄萬梅臯丹徒令子署中并謝方物之贈

別後相違四十秋一緘忽度甕城頭平生詩卷兼年譜

垂老情懷尚壯游君有佳兒能養志我偏家累屬幽愁

祝君百歲詩盈帙一序它時擬再酬

君以紀年詩索序

力集人卷之三
三
天遣遨頭屬此翁種花人在大江東雲帆直抵縣門外
山翠橫飛酒盞中鄰下追風看展驥爪痕留雪羨冥鴻
白頭笑口誠良會便欲相從訪戴篷

感君方物贈偏饒壓載吳艘不憚遙戶小空杯常誤把

牙殘大肉已徒要君以百花酒新昔師江革通辭餉南

江革傳我通不受餉不容獨享故人筐篚今媿風人缺報瑤見說春波理歸

權金牛湖畔遲相招

題隨園先生十三女弟子請業圖卷

西子湖應要主盟一時裙帔盛簪纓先生端坐春風裏
絕似傳經老伏生

兩度春湖畫舸停光威幾輩拜元亭綺樓大有驚人句

撰集還應屬婦丁

圖中女弟子外有先生之姪婦戴故用曹氏子婦况之

題翟意圖

元聽雪圖意圖官海鹽教諭

漠漠山四圍三徑斷行跡中有擁褐者默坐數龜息寒風刮地來灑牕聲淅淅林際老竹摧檐端飢雀啣萬籟不起時聞根逗微寂此境靜者知吟懷冰雪滌

題孫頤谷侍御柳陰勘書圖遺照

烏府先生返澗阿豸冠脫却頭常科柳陰一適在思誤風牀卷軸如星羅異哉短視江休復著紙巖電光飛梭經疾史恙辨豪髮筆鍼墨灸窮缺譎政如養由射擬的

蟣蝨大逾車軸軻蘭陵將軍遭按劍地下有口不敢訶
六書點畫校尤細單行夾註蠶頭多人間善本不易覲
插架手自編排過曩者我友玉川子永日兀兀丹鉛磨
與君往復或辨難一句一義紛縷覩抱經仙去久宿草
君亦身世催羲娥獨我不學愧視肉炳燭無幾頭空皤
不堪重過勘書處老柳颯拉吹庭柯披圖坐對三歎息
樹猶如此人奈何

題吳兔牀騫小桐谿山館圖

是誰結屋小桐谿大葉高柯一桁齊竹色古牆門不掩
著書人合住樓西

吾家故里亦高桐，桐乳桐華入夢中。今日披圖振觸處。

秋風茅屋杜陵翁。

子家舊居江干鳳山之麓老屋數椽疎桐一樹因名齋曰桐乳曰桐華吟

舍又曰鳳巢書屋倪榭晴先生爲之圖自先曾大父以下至于墮地猶居焉今圖存而屋已朽敗不可問矣

題汪約齋先生

守澁

南山亭詩卷後

爲汪漢

郊作

山亭落成時我年不滿十，亭成厠高會年亦未至。廿吾

鄉詩老皆父執，一一荷衣曾肅揖。我祖手自題筆老墨

猶溼，吾父顧謂我書有阿買，給遙遙風木感，展卷增悲

喟。緬懷汪孝子廬墓風可挹，再傳南山翁，亭與山業炭

卽今後嗣賢，文采世莫及。鳳皇養脩翎，龍蛇發幽蟄。

此卷君家世德存，長篇短韻勤編香。百年陳迹俯仰間。

愧我題名附網笈

題孫備之醉墨圖

孫郎書法妙銀鉤不到鍾王不肯休
斐几兀如十日飲鐵門紛比百函投
淋漓每浣襄陽袖潦倒嘗濡長史頭
我本未嫻今老矣慚將蛇蚓敵螭蚪

題穉石翁蘭竹

今人作畫擬某某我嘗見之發笑口
取法乎上僅得中不獨自縛先貢醜
先生從來不徇俗茲獨胡爲署其後
偶書緣起作話頭此筆肯隨古人走
一片靈臺真氣全掃出槎牙豈由手
我侍先生畫且久口莫能宣以意取

試教泉下叩先生應道此君還解否

范莪亭

永祺

以甕天居集禊帖字詩百餘家寄示

索和勉成一章再而竭矣因別作一首

出奇制勝奪人先驅戰如何到老孱一字買堪貧杜甫
數莖撚欲斷盧延甘依金谷三觴罰願效蘭亭半首傳
寄語詩壇諸老將請從今日罷戈鋌

海寧吳兔牀以妻病託友人當湖買婢誤娶妾至
吳君視爲義女擇佳耦配之同人傳其事作詩子
亦漫題五絕

市頭爲訪柳家婢渡口却迎桃葉妹政與家翁作翻案

買姬誤得一奚奴

用家鉉翁事
見輟耕錄

爲君此事費商量
倘惹人猜作季常
不是河東獅子吼
倩他煖老亦何妨

願持箕帚託華茵
君自無因彼有因
一段錯牽紅綫事
翻教婢子學夫人

頭顱六十已星星
肯爲雙荷因此生
畢竟香山老居士
放楊枝是劇無情

貧家有女破瓜時
誰與經營廚帳爲
從此免隨廝養卒
祝君德曜定齊眉

落葉和汪冬生

狼籍西風卷亂雲
蕭蕭槭槭打牕聞
心驚烏鵲飛三匝
眼見青山瘦幾分
未必梗蓬終逝水
也同茵溷漫斜曛
剎那枝上春光轉
要把乘除說與君

又和項金門

壩

搖落無端動客愁
露蟬聲咽砌蛩幽
千章病綠如飛雨
幾樹酣紅欲戰秋
大抵過時隨路委
可堪陳迹逐波流
老夫鬢髮蕭騷甚
生怕西風葉打頭

和袁簡齋先生自輓詩

君家山松雅好奇
每出令客欲輓辭
道上行殯屋陳尸
無病而呻誠可嗤
先生健卻千熊羆
偶然示疾疾在脾

一山鞠藭可以差胡爲有慨乎言之先生曰否爾不知
我年逾七望八時縱壽百歲終一炊借題大索詩解頤
閉門坐致珠玉貽如朋盍簪墟和篋長歌當哭聲唔呶
一讀勝飲三百鷓生前豫凶何必悲死後縛謳徒爾爲
我聞如是匪所思興復不淺病悔遲願先生壽如希夷
年年約和自輓詩先生知交徧天涯一日不歿詩不已
千首萬首續續詩筒馳

蠹蝶

蠹蝕成蝶形大小二鬚翅皆具好事者裝冊索

題戲作二絕

問爾適從何處來，多生結習故書堆。
自從食盡神仙字，一夢南華便脫胎。

展卷分明現羽籙，
世間金粉畫猶輸。
蟬魚恥作螢乾死，
幻出滕王飛白圖。

菜花二首

菅茅矮屋帶疏籬，
春入郊原爛漫吹。
一色暖鋪黃襖子，
幾家晴放蜜蜂兒。
未妨少婦銀釵並，
莫遣豪門錦障知。
也要青青裝點在，
桑芽政努一枝枝。

東風烘染萬家春，
別把繁華付野人。
布地有金開色界，
種桃無主已迷津。
畫家茄菜蜂蟬外，
徐崇嗣有茄菜蜂蟬圖天氣

清明上巳辰莫怯村塍少人賞老夫抱甕卅年親

感事

不平心事恨難磨一死居然脫愛河可惜蒲人與茆馬
韋郎無奈阿梁何

阿難竟被摩登呪鎖骨公然菩薩稱千古風花公案在
要將障業問胡僧

蕭山陶篁村

元藻

自訂詩集竟不入選者實石函

埋之題其阡曰詩家撰二律索和因簡寄五首

手編大集自千秋收拾叢殘付一邱未必吐餘終委土
却從祭後竟埋幽定傳鬼唱山頭鮑要比文依地下劉

兩字詩牌標識在江東還恐有人偷

借用五代羅紹威偷江東集

生墳銘成愧筆孱又徵題句及詩刪九重泉下畱雞肋

千百篇中隱豹斑豈便見嗤如苦海

鄭光業弟兄共有一巨皮箱凡同人

投獻辭有可嗤者卽投其中號曰苦海見唐摭言

公然藏拙亦名山他年若醉

詩人墓餘瀝應教灑冢間

古錦囊盛石匣扁主人祖送出郊坰不教鱗爪尋常見

更想驪珠一倍熒

用白香山驪珠已獲鱗爪何用語

人未故時紙已故

地能靈處字還靈纍纍黃土誰青盼多爲碑題客屢停

精者爲金頑者銅由來披揀自良工須知拉雜摧燒物

也出經營慘淡中退筆尚嫌狼藉在陳言差免蠹書叢

靈犀一點難埋滅故紙成堆亦鬼雄

文章得失寸心知後有揚雲定屬誰削筆要除兒子氣

山谷詩少年喜文章各有見于氣

捫碑莫認外孫辭不愁脩怨輕投溷

且免求全苦覓醫

東坡詩避謗詩尋醫

儻遇桓溫戲相犯爲言宿

草已如斯

殷浩詩不甚工嘗出示桓溫溫戲之曰子勿犯吾倘見犯卽出子詩示人

感事

掃却巢痕戢羽翰卅年心計護雛完守閩畢竟爲松柏
餓死終愁屬綺紈白髮那禁人事改青雲休作故家看
也知暮景飛騰疾未蓋棺時豈自安

詠美人風箏四首

此癸丑春阿雨牕遲使

林保

試童子題也予亦

戲爲之辭意苦窘視甌北集中作眞珠玉秕糠

之別矣

羊車兒技忽翻新裝點蛾眉態逼真爲馭鸞輪施兩翼

凡風箏作人物者左右別出兩翼

不嫌脂粉畫全身紅絲那繫乘鸞子

碧漢空傳駕誰人輸與分明天半見賺他兒女各懷春
縱車展處跨長虹扶上飛仙到碧空目送直疑奔姹月
身輕偏不避雌風天宮一曲聲微度下界千秋索未工
爲語兒童牢着手驚鴻瞥墮卽泥中

晴開詆蕩望天閭少女風微冉冉揚南岳雲中青鳥從

西王晝下大鵬翔好憑列宿爲媒妁

率牛織女以參商爲媒角氏爲妁見

語

林要取雙丸作珮璫

阿脩羅誓取日月以爲耳璫

莫把巫峰神女比

若爲行雨便相妨

煙鬟霧鬢白雲駟現出虛空色界天三疊琴心湘女竹

五銖仙佩薛濤牋不通綾索難騰上但假吹噓便放顛

只怕罡風三月半鸞膠誰與續離絃

正月鷓二月鷓三月放箇斷絃鷓杭

諺也

團扇二絕

飛來南海一輪月添我北牕兩腋風若遣畫師圖賤老

居然團扇劍南翁

筠絲密織簾波細繭紙新糊鏡面平
昨怪山童不解事
竹茶鑪畔鼓松明

又題某人團扇三首

團扇風情玉鏡臺
烏衣子弟手親裁
我無隸事王摛筆
敢向君家掣取來

靜如明月動清風
批抹全歸掌握中
不比清光有盈缺
團團長滿舊房櫳

賦就綺紈終欠雅
書成跂躅未能丁
何如倩箇丹青手
但畫龜堂老放翁

題汪氏團扇

湘筠匝匝素絲勻製出團團月子新如此秋光最佳日
不煩持障庾公塵

庭院深深玉漏初一天涼露拂衣裾流螢撲得紗囊貯
要照檀郎夜讀書

爲華藏室書團扇上三首

裁成顧兔月華新風韻南朝定可人
不煩更障庾公塵

早秋天氣嫩涼生故故流螢上扇稜
開取紗囊戲兒女
教他知是讀書燈

一搭煤灰汗月輪衰年塗抹祇生嗔
市頭老嫗休傳去

不是當初寫扇人

題高邁菴團扇二首

蓬頭散帶邱明士
敝席著簪虞玩之
想見月明風細處
六朝清韻在今時

可笑高人三十五
能詩能畫復能書
如何閒却煙雲手
許我塗鴉結蚓如

題汪十村團扇

樂府曾傳團扇歌
自來恩怨此中多
秋風過後休輕擲
可奈王家婢子何

一笑華年已隔塵
風情不稱白頭人
儂家只辦蒲葵扇

跛脚松牕撲黍民

題星子團扇

有客遺子白團扇滿如面月淨身雲老夫綺語新持戒

借爾宣揚誦律文

持律尊者愛波離手執象牙之扇口誦調御之言滿八十反其文乃訖題

之樹葉號八十誦律見釋典

規取鵝溪白練光紫檀作柄翠筠匡蒲葵一樣團團影
不到佳人錦瑟旁

莫將小扇等凡材賺得詞人笑口開不見南朝王左史
五花簞上奪標來

又三首

使星高揭絳紗帷團扇分題策士詩從此武林添一市

輕羅小景仿和之

謂阮中丞

竹深荷淨迎涼地酒綠鐙紅倚笑中故事休教徵樂府
怪他平白怨秋風

隱囊紗帽成前夢紅袖烏絲記往時便面風流今已矣
也如憔悴謝芳姿

又

要畫乘鸞仙子身風前月下喚眞眞卷然女手親提挈
一笑分明兩玉人

寄溫一齋

一紙飛來東谷東故人三絕印蟠紅怪他筆底煙雲活
猶帶蓬萊頂上風

說酒二百四十字

天地一氣耳我身亦如是氣聚人則生氣散人卽死道
家貴養氣鍊之益精髓直養而無害吾儒豈二理奈何
縱飲徒不惜身命委保齋之不暇而乃爲酒使謂能澤
肌膚表盛必瘁裏謂能通血脈此盈或絀彼又謂風雅
助濫觴自文士借作釣詩鉤淋漓挂脣齒不然飲尸萬
一一皆陶李要知古達者名不因酒滓徒爲鳩毒媒寧
止肉食鄙不見起醉餅塊然彈丸比烝之乍浮浮肥皮

成瓠子噓氣使之然其中可知已不信試剖看童豎皆
能指粗如蠶窠攢細若蠹穴徙腑藏方寸地空洞何所
恃一朝六疾侵直入無禦抵大則闕鬲封小亦皮骨飢
與其悔噬臍胡不戒滅趾斯言本意造罕譬實取邇莫
笑桓元子用以當監史

謝客五絕句

誓墓歸來王內史暮年都付代書人

義之告靈以後不復自書皆使代書

人見陶隱居

答武帝啟 小生那敢希前哲只合從人役苦辛

崎嶇碑碣

之問辛若筆視之役見顏氏家訓

可笑塗鴉逾四紀半生白日此中顏書家縱有凌煙閣

恥把千秋託麝煤

我自無心結蛇蚓錯傳韋陟五雲如世間到底無真賞
認殺簽名一字書

從來得失寸心知無佛稱尊或有之未必西家勝東宅
却教屈了效顰施

手未支離眼未昏業緣欲斷竟何因從今誓齧工倂指
懶作供官設客人

題康熙二十六年丁卯科題名錄後

我年二十五卯歲領鄉薦上溯六十年此勝實羔鴈憶

子堂謁時羣集隨諸彥領袖鶴髮翁

謂錄中第四十三名周翁天相錢塘

人歸然如魯殿風貌既甚古章服亦不賤私竊問姓名
愛蓮分一瓣少年曾筮仕秩視諸侯半杜詩縣實請侯半歸臥

田里間後生茂由見恭逢 盛典舉重預嘉賓讌今復

卅年餘翁久隨物變卽予同年生八九已露電乃於山
人廬忽覩紙半片上鐫千佛名一佛曾識面當時取士
嚴額僅踰大衍副榜一至十同考十二縣衡鑒堂中人
氏號一一繕不獨脚色詳次第具鄉貫字跡頗工整首
尾無漫漶想見論賣時狼籍坊市徧此紙閱百年獨再
優曇現異哉方山子蘇此者南山土人方姓拾得常自玩藏弄等
吟牋裝背作畫卷某也後進人彰美在所先去率書五

字詩留下一重案

丁卯九秋重宴鹿鳴蒙 恩加學士銜卽事書懷

四律

姓名何意達 天閭白髮重新拜 寵光使者漫修前

輩禮阿婆又入少年行 三杯婪尾陪燒尾 一番去登場

等戲場可惜弟兄雙折桂 北枝今日不同芳 舍弟冲泉亦於是科

登順天勝

已分西湖作釣徒 帽箱綬笥久模糊 公裳點檢煩朋舊
籃輦蕭疎笑僕奴 流水再經人面改 夕陽縱好日輪徂
怪他市上人如蟻 不看郎君看老夫

詔許歸來五十年此生早荷 主恩偏不圖舊籍蓬萊
上又領新班闔苑先天上謫仙宮錦貴山中宰相白衣
傳臣今耄矣難言報一炷心香祝 聖虔

前賢十度賦嘉賓

康熙丁卯周天相丙子吳大燁甲午萬承式附癸巳恩科錢家壘丁酉

趙世玉雍正癸卯陳克鎬己酉吳嗣富乾隆乙卯附丙辰恩科馮浩戊午顧光范崇榮

我占人間

分外榮老婦喜叨加命服衰翁且博上銘旌比還九轉
纔初轉若話三生又一生養就百年無用物要將歌嘯
答 升平

戊辰夏送齊北瀛太史出使琉球

獸錦宮袍寶帶鞞詞臣銜 命出東瀛弓刀列隊鯨鯢

靜英蕩前頭蚋象迎萬里宣風真浩蕩重幃稱慶有光榮

君堂上具慶祖母八十四歲

明年期過西陵驛傾耳高談海外程

挽何春渚

枯樹灣頭舊隱淪忽傳微疾竟還眞壁間有句辭修夜
地下何人釀老春白首不貽林澗媿青山合與鶴梅鄰
乞花牋在題猶濕從此花時愴故人

昨冬先生以詩來乞宜男花種種攜益

走訪尚相晤無恙也

苦熱十六韻次莊達甫

字達

驕陽四十日大地盡焚如人在洪鑪過吾思壑谷居江
湖情已邈雲霓盼徒虛懶久常忘帶狂來欲裂裾難逢

蔭下樾真見火中藻白晝懷屏翳紅輪畏望舒幸然無
箇事只是不關渠當路憂阡陌爲壇謹祓除芒屨勤步
禱叢社奏神書未卜晚禾在全荒早種上餘河愁龍骨
竭潭斬虎頭儲銷鏃稀蠅蚋摧頽到烏魚且貪襤襪絕
轉念友朋疏蘭室揮談麈甯杯挹泛蛆便同游廣莫那
復守拘墟冉冉金風至能攀去權歟

時達甫將
歸毘陵

前詩意有未盡又和十六韻

夏令今何酷生年老未經四旬天鍛鍊三伏吏威刑火
繳飛陽燄天瓢絕雨冷甗巫暴非古箕畢好無靈一樹
無情碧諸峰未了青冤芬巖下桂

蘇詩幽桂
飄冤芬

乾歎案頭

螢高鳥棲難穩垂龍睡未醒叩門昏乞水掘地夜提鉗
人渴懷冰飲荏枯少露零牕宜開四面簾不掩雙眉覽
鏡成人腊移牀避肉屏一絲都不挂五體盡呈形破悶
三蕉葉招涼一草亭妄思傾碧漢無力破滄溟始悟身
爲患唯憂歲不寧臨風欲長嘯化作令威丁

許周生駕部以詩賀予九十生日依韻答之

衰病頻年一再經剩將皮骨拄頰齡豈知天許餐荷葉
浪被人呼作草星故紙且留今日債老書難發少年靈
比他窗外雙蠲忿不到霜寒已早零

病中自述次許周生韻

兩度名題千佛經居然身似劫初齡心空及第少半字
禿鬢滿頭無一星書久不親宜蠹蝕物雖非妙會通靈
盤輿底事門生昇臥聽秋風秋雨零

長夜不寐

一生不遇睡蛇死病久只愁秋點長安得夜摩天上住
赤蓮香過白蓮香

辛未之夏丁見堂

子復

遠餉構李并賦長句二首

索和會予疽發中止已三年矣今追念佳果風味
及良友持贈之意不能忘情因補作七古報謝

江城五月梅子黃爛紫無過南村楊老夫平生酷嗜此

一日何啻三百嘗親朋知我競相餉多者歷擔少筥筐
憶昨有客打門至手挈筠籠不盈咫小筆封題十六枚

認是故人丁敬禮急啟乍聞風露香一笑金婆換西子

金婆楊梅見
咸淳臨安志

森森翠葉圓欲沈離離膩粉光浮起勝以

長牋足雙絕讀未終篇口流沫告我乞從淨相寺名來不

是徐園園裏植吳宮千載是耶非指爪分明留一捻多

君不避整冠嫌長老喜無鑽核癖須知佳物信有緣不

爾何由得蠟食我欲報君瓊玖什更擬寫贈來禽帖一

病三年死復生前塵影事空飄瞥如今又值年時節飛

遞不來愁渴疾重檢詩腸理舊題西瓜大字都無一吾

衰甚矣弗復云放饒且喫楊梅白

坡詩此語竟非是且食白楊梅

頻羅庵遺集卷四

錢唐梁同書

舊繡集一 集杜

原序

荆公晚歲爲集句詩世頗稱之而遜齋閒覽載其集杜句殊不多見若元句曲外史明莆田山人亦喜爲此體顧不聞以集杜傳 本朝竹垞翁而外唐堂老人香屑集後一卷可謂極能事矣然徒拾金釵鈿合之塵不將使少陵風骨稍貶邪山舟工於詩所著等身此特遊戲之作耳乃其妙處則已天穿地巧鬼運神輸吾無以名之坡公答孔毅父詩前身子美只君是信手拈得俱天

成舉贈山舟讀之者定不以爲過當也乾隆丙子臘日
同里陳鴻寶

兩般秋雨庵新竹

野外堂依竹通行小徑難無人覺來往每日報平安未
見紫煙集能令朱夏寒終焉托長嘯持笞翠琅玕

正月三日歸溪上

王竟攜酒

西郊

夕烽

嚴

鄭公階下新松

營屋

次空靈岸

與鄂縣源大

少府宴

漢披

同弟敦書過江上舊廬

小徑升堂舊不斜夜來吹折數枝花已知出郭少塵事
且盡芳尊戀物華雲白山青萬餘里江深竹靜兩三家

百年地僻柴門迴弟勸兄酬何怨嗟

題桃樹

絕句漫興九首第二

卜居

曲江陪鄭

八丈南史飲

小寒食舟中作

江畔獨步尋花絕

句第三

饒公仲夏枉駕

舍弟觀赴藍田第三

題王隱君

會祥

義橋村齋圖

質朴古人風形骸痛飲中白頭無籍在青眼只途窮野
老來看客先生早擊蒙定知深意苦絕境與誰同

吾宗陪章留後侍御

送章書記赴安西巫峽

弊廬奉贈侍御

陪鄭廣文遊何將軍山林第六

寄司馬山人

寄岳州賈

司馬送裴二虬作尉

畎畝孤城外幽居近物情野橋分子細虛館開逢迎詩
盡人間興才高處士名未曾入州府春遠獨柴荆

向夕屏跡第一

觀李固詩司馬弟山水圖第三

贈左僕射鄭國公

西閣第二 春日江村第五

第二 春遠

田父要皆去頻遊任履穿耕巖非谷口倚杖卽溪邊鵝

費羲之墨偷存子敬氈

隱君工書法又嘗作偷兒詩一時和者甚衆

欣然淡

情素爾輩可忘年

寒食

春日江村第二

寄張十二山人倚杖

搖落

秋日夔府詠懷

送高司直尋封閬州九

月一日過孟十二倉曹

儒術豈謀身從來原憲貧甕餘不盡酒衣故有懸鶉稠
疊多幽事生涯脫要津何時一茅屋試覓姓龐人

獨酌成詩

奉贈蕭二十使君

過津口

贈王二

十四侍御契

秦州雜詩第九

太歲日

秦州雜

詩第十四 贈
別鄭鍊赴襄陽

題王隱君乞食圖

有儒愁餓死寄食一家村自喜遂生理默傷垂老魂
居然成蕩落亦不爲盤飧此意陶潛解非君誰與論

奉贈鮮于京兆 得弟消息第一 遣遇 木皮嶺
自京赴奉先縣 示從孫濟 可惜 送裴五赴
川東

佳人

絕代有佳人鶯啼送客聞落霞沈綠綺蔓草見羅裙
華館春風起陽臺曙色分始知雲雨峽不與衆峯羣

佳人 別房太尉墓 大歷三年春 琴臺 李鹽
鐵第二 曉望 春夜峽州 秦州雜詩第十六

少年

之子時相見人間好少年看花隨節序揮翰宿春天百寶裝腰帶千金買馬鞭誰能更拘束歡罷念歸旋

題張氏隱居第二 送李校書 庭草 春夜峽州 卽事 後出塞五首第一 杜位宅守歲 贈李

十五 丈別

壯士

我本良家子能騎生馬駒丈夫誓許國壯士恥爲儒悲甚田橫客茫然阮籍途防身一長劍懷古視平蕪

後出塞第五 戲贈友第一 前出塞第三 送蔡希曾都尉 贈司空王公思禮 早發射洪縣 投贈哥舒開 府遺懷

飛將

故老思飛將悠悠經十年雨拋金鑱甲雪沒錦鞍鴟議
在雲臺上名因太史傳迴風吹獨樹寶劍欲高懸

秦州雜詩第十九 自閩州領妻子第一 重過何氏第四 送人從軍 建都十二韻 閩州奉送二

十四舅 送樊二十三 侍御 哭韋大夫之晉

送丁大健之江西

腸斷春江欲盡頭浴鳧飛鷺晚悠悠乘舟取醉非難事
送客逢花可自由念我常能數字至悲君已是十年流
且將款曲終今夕高視乾坤又可愁

絕句漫興九首第五 涪城縣香積寺 撥悶 和 裴迪登蜀州東亭 公安送韋二少府 寄杜位

壻籍庵遺集

卷四

四

湖城東遇孟雲卿

相從行贈嚴二

題春江圖送施二學廉入都

三月桃花浪春船正好行艱難賤生理容易卽前程楊柳枝枝弱江流泯泯清故人從此遠那得易爲情

春水

絕句九首第一

春日江村第一

奉送郭

送客

田舍

漫成第一

送何侍御歸朝

泛江

甲戌寓都下同年戴比部招集秋園看月

今夕復何夕他鄉勝故鄉解衣開北戶乘月坐胡牀頗怪朝參嬾遙知對屬忙一秋常苦雨蟋蟀近中堂

贈衛八處士

得舍弟消息

立秋雨院中有作

樹間

重過何氏第四

寄彭州高三十五

留別

賈嚴二閣老

秋行官張寧

卜鄰慚近舍避暑得名園誰謂築居小而無人世喧竹

光團野色草露滴秋恨託贈卿家有題詩好細論

孟氏

奉漢中王手札

泛溪

閩州東樓筵

屏

跡第二

日暮

將別巫峽

贈南卿兄

做廬遣興

簡易高人意茶瓜畱客遲尚憐詩警策相近竹參差勝

事難屢挹故鄉不可思

時君將假歸

自今幽興熟後曾且深

期

觀李固請司馬弟山水圖第一已上人茅齋戲題寄上漢中王第三過南鄰朱山人水亭早發

射洪縣

赤谷

重過何氏

第三

暮春江陵

送馬大卿

主人情爛漫一酌散千憂風月自清夜園林非昔遊

舊爲

樂氏園今已廢其半
世情只益睡客意已驚
秋歸路翻蕭颯移時

獨未休

與鄆縣源大少府宴漢陂落日日暮過故斛

斯校書莊第一村雨夏日李公見訪陪諸貴

公子丈八溝第
上牛頭寺

送王五 又會 假歸嘉興

先生有才過屈宋羣書萬卷常暗誦
富貴功名焉足圖
古來才大難爲用憶獻三賦蓬萊宮
聲價歛然來向東
明光起草人所羨君今幸未成老翁
乙科已大闡爲郎
未爲賤薄宦走風塵意氣今誰見
一官羈絆實藏身
路難悠悠常傍人敝裘何啻聯百結
世上未有如公貧爲

人性癖耽佳句酒闌插劍肝膽露簿書何急來相仍巢
父掉頭不肯住對君疑是泛虛舟宿昔一逢無比流舟
楫眇然自此去長歌短詠還相酬多病獨愁常聞寂我
獨覺子神充實綵服粲粲庭闈趨百年未見歡娛畢早
歸來且脫劍佩休徘徊今日南湖采薇蕨亦知窮愁安

在哉

駕鷺湖
名南湖
湖一

醉時歌

可歎

岳麓山道林二寺行

古柏行

莫相疑行

高都

護驄馬行

十二月

一日

蘇四

君不見簡蘇侯

故秘書少監武功蘇公

九日

贈蘇四

投簡

成華兩縣諸子

丹青引

江上

值水如海勢

魏

將軍歌

早秋苦熱堆案相仍

送孔巢父謝病

魏

題張氏隱居

莫登西

安寺鐘樓

別李祕書

狂歌

奏

頻羅庵遺集

卷四

六

行相從歌贈嚴二 秋明府 短歌行 解
悶十二首第三 蘇端薛復筵簡薛華醉歌

謝天竺上人 明中 寄茶

却寄雙愁眼開緘書札光白團爲我破春色自他鄉心
在水精域味如甘露漿物微意不淺詞客未能忘

得廣州張判官書 入衡州 湘江宴餞 江亭王

閩州筵 大雲寺贊公房第一 奉同郭給事湯東

靈湫作 病馬 寄彭州高三十五

一昨陪錫杖數能同釣船喧卑方避俗瀟灑共安禪野

圃泉自注端居茗續煎湯休起我病消渴已三年

寄贊上人 寄題江外草堂 賓至 陪李梓州王

閩州 宿花石戍 迴棹 大雲寺贊公房第一

秋日 夔 府詠懷

題吳杉亭煥詩卷

醉裏從爲客歲寒心匪他長歌意無極佳句法如何綺
麗元暉擁才名賈傳多論交翻恨晚風雨亦來過

獨酌成詩 湖南送敬十使君 行次鹽亭縣 寄
高三十五書記 故右僕射相國張公 秋日寄題
鄭監湖上亭第二 送趙十七明府之
縣 陪鄭廣文遊何將軍山林第十

喜同年葉函齋世度自粵東至招飲卽事

南海春天外淒涼爲折腰別來忽三歲愁破是今朝濁
酒尋陶令披襟得鄭僑吳方乘此興未惜馬蹄遙

送段功曹歸廣州 官定後戲贈 四松 王司馬
奉寄河南韋尹 奉贈盧五丈參謀琚 觀作僑成
月夜舟中 陪鄭廣文
遊何將軍山林第一

懷人四首

疇昔論詩早過逢類楚狂他鄉饒夢寐同舍有輝光
辰 己巳歲館臨老羈孤極於今出處妨時聞有餘論似惱

鬢毛蒼

孫容齋元

遣悶奉呈嚴公 遣悶 寄岳州賈司馬 潭州送
韋員外 得家書 寄彭州高三十五 晚晴 臺
上

王子思歸日重來未有期哀歌時自短痛飲直吾師去
遠留詩別家貧苦官卑本無軒冕意綵服莫春宜 王毅
原又會

送李卿暉 赤谷 莫春題灑西第三 醉時歌
畱別賈嚴二閣老 贈畢四曜 獨酌 和江陵宋

大少府莫
春雨後

故人入我夢，疎嬾意何長。
性亦嗜醇酎，家纔足稻粱。
文章差底病，書疏莫相忘。
每欲孤飛去，新詩昨寄將。
孫柳樊珠

夢李白第一

西郊

九日寄岑參

重過何氏第

四赴青城縣

出成都

潭州送韋員外

秋日夔

府詠懷送魏

二十四司直

憶昔好追涼，江邊問草堂。
興移無灑埽，地僻嬾衣裳。
負米夕葵外，吟詩秋葉黃。
看君用幽意，沈鮑得同行。
丁誠齋健

羌村第二

魏十四侍御就弊廬相別

陪鄭廣文

遊何將軍山林第五

田舍

孟氏

和裴迪登新

津寺 重過何氏第四

寄彭州高三十五

歲暮書懷

物色歲時晏，悲風稍稍飛。
天涯故人少，遠道素書稀。
藻翰唯牽率，榮華有是非。
平生嬾拙意，久客掩荆扉。

雨四首第三 秋笛 涪江泛舟 登舟將適漢陽

奉贈盧五丈參謀珣 秋野第二 發同谷縣

秋傷

憶孤山梅花卽寄湖上諸子

孤嶼亭何處，風高湖湧波。
絕知春意早，回首白雲多。
見酒須相憶，吟詩許更過。
故園花自發，只恐歲蹉跎。

送裴二虬作尉 湖中送敬十使君 江梅 陪鄭廣文遊何將軍山林第十 泛江送魏十八 過宋

員外之問舊莊
弟第二 兼葭 憶

陳三 鴻寶

以松頂秋鷹圖索予集句禁用畫鷹畫

鵲諸篇成七古一首

天寒日暮山谷裏
青草萋萋盡枯死
峩然眉骨皆爾曹
咫尺應須千萬里
障子松林靜杳冥
凌雲健筆意縱橫
滿堂動色嗟神妙
側身注目長風生
黑鷹不省人間有
過雁歸鴉錯迴首
髣髴蹴踏寒山空
紫氣鬱鬱猶衝斗
逸羣絕足信殊傑
草動只怕長弓射
借問苦心愛者誰
時有西域胡僧識
乃知變化不可窮
何恨憔悴在山中
英雄有時亦如此
今之畫圖無乃是

乾元中寓居同谷縣作歌第一 錦樹行 久雨期

王將軍不至 戲題畫山水圖歌 題李尊師松樹

障子歌 戲為六絕句第一 戲為雙松圖歌 李

郭縣丈人胡馬行 見王監兵馬使第二 呀鵲行

冬狩行 可歎 沙苑行 君不見簡蘇徯 韋諷錄

事宅海棕行 杜鵑行 君不見簡蘇徯 今夕

行 天育 驃騎歌

春日同人遊城東訪馮相國萬柳堂故址四首

野寺垂楊裏柴門古道旁鶯花隨世界雲水照方塘石

角鉤衣破蛛絲罥鬢長淹畱問耆老正壑道難忘

奉陪鄭駙馬韋曲第二 田舍 陪李梓州王閬州

秋行官張望 奉陪鄭駙馬韋曲第一 遣悶

過宗員外之問舊莊 奉陪鄭公麗亭

去郭軒楹敞清無沙土痕圓荷想自昔移柳更能存宋

玉歸州宅愚公野谷村古人稱逝矣妙

水檻遣心第一

木皮嶺

登歷下古城 春日梓

州登樓第二

八宅第三

贈比部蕭郎中 寄岳

州賈司馬 贈蜀僧

一代風流盡登臨意惘然斷橋無復板大屋尚脩椽興

趣江湖迴菁華歲月遷不知百載後刻畫竟誰傳

哭李常侍嶧第一

陪李梓州王闔州

過故斛斯

校書莊第二

陳拾遺故宅

西枝村尋置草堂地

第二 秋日夔府詠懷 觀

薛稷少保書畫壁 白鹽山

致春遊曉連連睨侵竹深畱客處草見踏青心獨

元依清昏鴉已滿林平生爲幽興感動一沈吟

江亭 白帝樓

陪諸貴公子

丈入滿第一 長吟

陪鄭公秋晚北池

野望

陪鄭廣文遊何將軍

頻羅庵遺集 卷四

山林第一
病馬

西師奏凱恭紀八首

王者今無戰天山早挂弓膽銷豺虎窟畫列地圖雄

宮禁經綸密謳歌德義豐舞階銜壽酒相賀以成功

故武衛將軍第一 投贈哥舒開府 覽鏡呈前中
丞 嚴公廳宴同詠 秋日夔府詠懷 奉寄河南

韋尹 千秋節
第二 往在

眾流歸海意 闕下受降頻 廟算高難測 皇恩斷

若神 聖朝無棄物絕域望餘春數見銘鐘鼎從容靜

塞塵

長江第二 與嚴二郎奉禮別 夔府書懷 能書
客亭 奉和殿中丞西城晚眺 秋日荆南述懷

奉送嚴
公入朝

伐叛已 三朝邊心此日勞
銛鋒行愜順節制收英

勢藉兵須用時和運更遭依然
七廟略歸及薦櫻桃

歸夢 千秋節第二 故武衛將軍第二 送重表
姪王珣 贈李入祕書別 喜聞官軍已臨賊境

收京第一
收京第三

百萬傳深入將軍有報書氛埃期必掃功業竟何如

睿想丹墀近 恩波錦帕舒
西郊牛酒至 皇極正乘

輿

散愁第一 重過何氏第一 入衡州 別張十三
建封 喜聞官軍已臨賊境 贈李入祕書別 贈

左僕射 鄭國公 秋日
荆南送石首薛明府

頻羅庵遺集 卷四

萬里流沙道雲臺舊拓邊蚩尤終戮辱首惡遂拘孿雜

虜橫戈掣羌兵助鎧鋌北辰徵事業佳氣拂周旋

東樓

有感五首第一

寄彭州高三十五使君

秋日夔府詠懷

收京第三

西山第一

莫春江

陵送馬大卿
寄岳州賈司馬

天子朝侵早樓高更女墻雷霆走精銳旌旆盡飛揚降

鹵兼千帳喧聲連萬方每蒙天一笑早晚徧遐荒

贈崔十三評事

上白帝城

送樊二十三侍御

冬日洛城北

秦州雜詩第三

夏夜歎

能畫

上城

時議歸前烈不承戢武威登階捧玉冊奉詔發

金微盛業今如此馨香舊不遺垂旒資穆穆端拱

光輝

贈韋左丞丈

重經昭陵

往在

秦州雜詩第六

上韋左相

社日兩篇第一

秋日荆南述懷

送盧十四

弟侍御

高宴諸侯禮分明，饌玉恩歡娛看絕。塞接近與名藩

內帛，擊偏重朱旗，塵不翻。謬稱三賦在，終得獻金門。

秋日夔府詠懷

奉漢中王手札

社日兩篇第二

送鮮于萬州遷巴州

送許八拾遺歸江寧

覽

柏中允

奉畱贈

集賢院

甘園

題胡某桐陰邀月圖

恥與萬人同，陶潛避俗翁。忘機對芳草，時放倚梧桐。明
月生長好，清樽幸不空。此身醒復醉，畢景羨沖融。

敬簡王明府 遣興五首第三 遣興三首第三
遣悶奉呈嚴公 季秋蘇五弟纓第三 嚴公廳宴
同詠 陪章畱後侍
御 寄司馬山人

行路難

滄浪水深清溟濶浮深簸蕩龍鼉窟能者操舟疾若風
我行怪此安敢出君不見道邊廢棄池東流之外西日
微自免洪濤恣凋瘵江湖遠適無前期

奉先劉少府新畫山水障歌

沙苑行 又觀打魚

乾元中寓居同谷縣第六

君不見簡蘇溪 秋

行 曉發公安

夜坐遣懷簡豆花精舍主人

搖落深知宋玉悲 曾時相賞莫知違 潮程物理須行樂

回首風塵甘息機，近侍卽今難浪跡。故鄉猶恐未同歸，步檐倚杖看牛斗。天上浮雲似白衣。

詠懷古跡第二

曲江第二

曲江第一

將赴成

都草堂第五

曲江陪鄭八丈南史飲

送韓十四

江東觀省

夜可歎

長安行二首贈友

長安布衣誰比數，形神寂莫甘辛苦。同心不減骨肉親，徒步翻愁官長怒。對君疑是泛虛舟，不惜奇毛恣遠遊。故園楊柳今搖落，想見懷歸尚百憂。好事就之爲攜酒，酒酣擊劍蛟龍吼。自笑狂夫老更狂，舊來好事今能否。懶惰無心作解嘲，遊子空嗟垂二毛。酒闌却憶十年事。

君不見管鮑貧時交

秋雨歎第三

寄拍學士林居

戲贈闕鄉秦少公

偈仄行

題張氏隱居第一

見王監兵馬使

一

吹笛

寄杜位

可歎

相

從行贈嚴二

夫

因許入奉

寄江寧晏上人

堂成

曲江三章

第一

九日

貧交行

風吹客衣日杲杲
客子入門月皎皎
恰似春風相欺得
不知明月爲誰好
長安苦寒誰獨悲
不爭好惡莫相疑
可憐懷抱向人盡
獨立蒼茫自詠詩
人生快意多所辱
渴飲寒泉逢觚觜
不須聞此意慘愴
委棄非汝能周防
少年努力縱談笑
論心何必先同調
爲君酤酒滿眼
萬事反覆何所無

以歌行 暮歸

投簡成華兩

縣

絕句漫興九首第二 所思

秋風第二 樂遊園

蘇端薛復筵

赤霄行 醉時歌

入奏行

瘦馬行 杜鵑行

歲暮憶弟黔中

昨日今日皆天風 昨日晚晴今日黑 歲云暮矣增離憂

時獨看雲淚橫臆 有弟有弟在遠方 簿領辛苦江山長

人生會合不可常 棣萼一別永相望 仰視皇天白日速

令我夜坐費燈燭 要取椒花媚遠天 喧呼且覆杯中渌

不見堂前東逝波 少壯幾時奈老何

閩鄉姜七少府

復陰

錦樹行

苦戰行

乾元

中寓居同谷縣第三

大麥行

湖城東遇孟雲卿

州手札

乾元中寓居同谷縣第七

莫秋枉裴道

顏羅菴賞集 卷四

古

第二
漢陂行

久不得丁誠齋消息詩以寄之

隱几蕭條帶鶻冠百年粗糲腐儒餐最傳秀句寰區滿
信有人間行路難剩欲提攜如意舞強移棲息一枝安

君江上宅近毀於火此時對雪遙相憶勝裏金花巧耐寒

小寒食舟中作有容解悶十二首第八將起
成都草堂第四舍弟觀赴藍田第二宿府和

裴迪登蜀州東亭
人日兩篇第二

鄒大士城南歸贈別六首

飲啄幾回同交親氣概中忘形到爾汝相識自兒童排
蕩秋旻霽周旋道術空平生心已折此目意無窮

寄賀蘭鈺

投贈哥舒開府

醉時歌

奉漢中王

手札贈祕書監江夏李公邕

奉寄河南韋尹

地隅九日

登梓州城

京洛雲山外公車畱二年甘從投轄飲去索作碑錢賞

月延秋桂傷春怯杜鵑如何久磨礪無計斲龍泉

雲山

送韋書記赴安西

晚秋長沙蔡五侍御飲

筵

聞斛斯六官未歸

夔府書懷

秋日夔府詠

懷

別崔

所思

壯惜身名晚孤飛卒未高蕭疎外聲利文雅涉風騷獨

坐親雄劔歸心折大刀此時同一醉宿昔恨滔滔

將曉第二

鴻鵠

送顧八分文學

題柏大兄弟

山居

夜五言

八月十五夜月第一

舍弟觀歸

藍田

送重

表姪王砧

頻羅庵遺集

卷四

五

家遠傳書日蕭條萬事危物情尤可見吾道竟何之易

下楊朱淚多慚鮑叔知浮生有定分相顧免無兒子與君同

將成丁矣

悲秋傷春五首第二寄彭州高三十五使君

秦州雜詩第四冬深

過故斛斯校書莊第二

君看隨陽雁天寒奈九秋十年猶塌翼一月不梳頭信

美無與適真成浪出遊飄飄蘇季子誰憫敝貂裘

同諸公登慈恩寺塔月別蘇侯屏跡第二

成都府上牛頭寺暮冬送蘇四郎暮秋將歸

識子用心苦虛懷任屈伸
躑躅故里寂莫向時人同

調嗟誰惜深情託所親倚門固有望此去苦家貧

貽阮隱居

贈王二十四侍御契

送賈閣老出汝

州

贈別賀蘭鈺

贈畢四曜

寄張十二山人

送李校書

送孟十

二倉曹赴東京選

寄孫柳樊

未掣鯨魚碧海中此身漂泊苦西東衰年肺病惟高枕

聞道於今猶避風

戲爲六絕句第四

清明二

首之一

返照

白鳥行

題誠齋水邊林下圖照

寂莫江天雲霧裏美人娟娟隔秋水江妃水仙惜不得
攬環結佩相終始何處老翁能賦詩十年不見來何時

梅花欲開不自覺溪壑爲我迴春姿翛然欲下陰山雪
子規夜啼山竹裂冷蘂疎枝半不禁珍重分明不來折
我有新詩何處吟孤舟一繫故園心俱飛蛺蝶元相逐
隔葉黃鸝空好音眼前所寄選何物江月去人只數尺
物色分畱與老夫此心炯炯君應識

嚴中丞枉駕

寄韓諫議

枕竹杖引

荆南兵馬

使太常卿趙公

七月一日

題終明府水樓

乾元中寓居第

乾元中寓居同谷縣

第四

至後

乾元中寓居第

舍弟觀赴藍田

第二

風雨看舟前

落花

風雨所拔歎

秋興八首

第一

進艇

峯嘉州漫成一絕

岳麓

進艇

蜀相

山道林二寺行

偈仄行

進艇

蜀相

石谷子從孫王

玖

畫有家法以冊子八幅屬題各

綴一絕句

梯逕繞幽深，嬋娟碧鮮淨。落日不逢人，清聞樹杪磬。

望牛頭寺

法鏡寺

東屯

北崦

陪張雷後惠義寺

挽葛上崎嶇，杖藜俯沙渚。稚子入雲呼，野人尋煙語。

上後園山脚

服日小園散病

自閬州領妻子第三寒峽
山頭到山下，絕壁無尺土。野人半巢居，自益毛髮古。

太平寺泉眼

龍門閣

五盤 貽阮隱居

茂林延疏光，月出山更靜。穿水忽雲根，空蒙辨魚艇。

夏夜歎

西枝村尋置草堂地第

二 懼唐兩崖

浹陂西南臺

山家藥正鋤，野圃泉自注。幽事頗相關，沈吟屈蟠樹。

贈李八祕書別
宿花石成
西枝村尋置草堂地第

早

在山泉水清漱壑松柏禿
上有無心雲來往兼茅屋

佳人

三川觀水漲

白水縣

崔少府

自滾西荆扉第二

杖藜入春泥脫身事幽討
千載商山芝吾慕漢初老

雨過蘇端

贈李

白

喜晴

北風

山色佳有餘泉聲聞復急
幽人未遣回細雨荷鋤立

五盤

白水縣崔少府

野望因

過常少仙

暮春題滾西第三

贈別

城闕秋生畫角哀
天時人事日相催
提攜別埽清溪曲
潦倒新停濁酒盃
老去詩篇渾漫與
一生襟抱向誰開

白沙翠竹江村路，黃帽青鞵歸去來。

野老 小至 醉爲馬墜 登高 江上值水
如海勢 奉侍嚴大夫 南鄰 發劉郎浦

有懷

每見秋瓜憶故侯，清江一曲抱村流。
密沽斗酒諧終宴，許坐曾軒數散愁。
南國再逢人臥病，春山無伴獨相求。
知君苦思緣詩瘦，鬢髮還應雪滿頭。

解悶十二首第三 江村 病後遇王倚飲 簡吳
郎司法 夜 題張氏隱居第一 暮登西安寺鐘
樓 寄 杜位

對月

地僻秋將盡，樓高月迥明。
關山同一照，心跡喜雙鴻。

鴈幾時到寒砧昨夜聲數杯資好事涓滴就徐傾

秦州雜詩第十八 季秋蘇五弟纓第一 玩月呈
漢中王 屏跡第一 天末懷李白 客舊館 贈

鄭十八賁
宗武主日

潮州陳生

子承

爲其尊人

元才

孝廉索六十壽言

集長歌贈之

百花潭水卽滄浪花氣渾如百和香

潮有百
花洲

南極老人

應壽昌身長九尺須眉蒼白頭短髮垂兩耳眼有紫皦
雙瞳方綵筆昔曾干氣象五十年間似反掌劉向傳經

心事違謝安不倦登臨賞知君才是濟川功

翁嘗於潮
惠通津築

橋以濟至今
往來賴之

羨泛滄浪學釣翁卽今年纔五六十君看

他時冰雪容老去詩篇渾漫與乘興杳然迷出處故將
移住南山邊反鎖衡門守環堵似君須向古人求不減
昔時陳太邱後來況接才華盛積善衮衮生公侯驛驪
作駒已汗血往往坡陁縱超越揚眉結義黃金臺愛客
滿堂盡豪傑主稱壽尊客主客多歡娛何當有翅翎飄
然去此都南游炎海甸畫鷁上凌虛朱崖著毫髮絳氣
橫扶疏蓬萊織女迴雲車馮夸擊鼓羣龍趨壯哉崑崙
方丈圖中有高堂天下無側生野岸及江蒲橘洲田土
仍膏腴神仙中人不易得爲君酌酒滿眼酌

狂夫 卽事

寄韓諫議 洗兵馬

秋興八首第八

觀

公孫大孃弟子舞劍器
秋興八首
三奉酬嚴公

寄題野亭之作
陪李七司馬阜江上
解悶十二

首題張氏隱居第一
丈人山江上
值水如海勢

三題張氏隱居第一
曲江三章
第三上秋雨歎第

施州徐鄉二子歌
陪王侍御同登東山
晚晴裴

蘇端薛復筵
登歷下古城
遣懷彭衙行
晴舟

出江陵南浦
奉送魏六丈佑
寄李十四員外布

歸又上後園山脚
謁文公上方
送孔巢父謝病

解悶第十二首
岳麓山道林二寺
行夔州歌第十

醉歌行贈公安顏少府
入奏行

送遠

莽莽天涯雨飄飄
客子蓬挂帆
遠色外倚劍短亭中多

病休儒服誅茅任
薄躬男兒行處是不擬
哭塗窮

對雨奉漢中王手札
兩二首第一
寄司馬山人
敬贈鄭諫議
天池寄彭州高三十五使君

陪章
後侍御

九日同江二衡吳大寬謝三壩韋五謙恆陳三鴻

寶陶然亭登高

采采黃金花秋風落日斜城欹連粉堞亭古帶蒹葭野
興每難盡浮生卽有涯天邊同客舍自覺酒須賒

九日寄岑參禹廟峽口第一官亭夕坐送
嚴侍郎到綿州暮春題瀼西第三巴西驛亭
復愁十二首第十一

題新羅山人畫二首

江郊秋晚

秋水纔深四五尺青山落日江潮白草閣柴扉星散居

暝色無人獨歸客憶上西陵故驛樓若爲看去亂鄉愁
江天漠漠鳥雙去余亦沙邊具小舟

南鄰

惜別行

解悶十二首第一

光祿坂行

解悶

十二首第二

和裴迪登蜀州東亭

灑灑

行短歌

茗雪小景

四山多風溪水急漁翁暝蹋孤舟立一雙鷗鷺對沈浮
水光風力俱相怯近市浮煙翠且重城邊野池蓮欲紅
正是江南好風景白蘋愁殺白頭翁

乾元

中寓居同谷縣第五

奉先劉少府新畫山水

障歌

卜居

風雨看舟前落花

暮登西安寺鐘

樓

莫春

江南逢

李邕年

清明第二

得陳大潤華湖南來書詩以代柬

南客瀟湘外，澤蓬無定居。艱難人不免，跋涉體何如。耽

酒須微祿，鈔詩聽小胥。情親見君意，看取北來魚。

冬晚送長和漸舍人歸州將別巫峽贈南卿兄

猿秋日荆南送石首薛明府官定後戲贈贈

努力輸肝膽，誰憐醉後歌。念君惜羽翮，且得慰蹉跎。山

鬼迷春竹幽，人泣薜蘿此。行非不濟最，奈客愁何。

秋日荆南送首薛明府陪鄭廣文遊何將軍山

林第十送中府程錄事寄高三十五書記祠

南夕望傷春五首第五
贈李八祕書別江梅
題嘉善王叔煇浣花吏隱圖卽送之官蜀丞

吏隱道情性杯乾自可添九江春草外萬點蜀山尖適
遠非虛試操持必去嫌從來多古意勝概欲相兼

白水縣崔少府

晚晴

遊子

送張十二參軍

蜀州

送從弟亞赴河西

東津

送韋諷

登克州

城樓

入

宅第一

題畫

興趣江湖迴斯焉心所求水花分壑弱山木抱雲稠野
外貧家遠淨邊春事幽晚來橫吹好漁艇自悠悠

西枝村尋置草堂地第二

寄贊上人

乘雨入行

軍六弟宅西閭口號

范二員外邈

落日劉

九法曹鄭瓊邨石門

宴集兩二首第一

送江眉居衛回南

爾去何瀟灑，扁舟意不忘。驛樓衰柳側，江路野梅香。久

客應吾道，安貧亦士常。因君問消息，恨別滿江鄉。

贈王二十四侍御契 夜宴左氏莊

通泉驛

郊舍弟占歸草堂 寄彭州高三十五使君

送

蔡希曾都尉 送大理封主簿

再寄眉居

獨立萬端憂，胡爲此滯留。栖遑分半菽，踟躕願長楸。旅

食雙飛燕，平生一釣舟。嬾心似江水，唯共水東流。

獨立 更題 秦州見勅目 玉腕驪 雙燕 秋

日寄題鄭監湖上亭第一 西閣第二 憶弟二首

之一

哭丹陽彭生禮 客死黔中四首

還喜得吾賢才名四十年論文或不媿爲爾獨相憐公

幹沈緜屢馮招疾病纏斯人不重見吾道卜終焉

送梓州李使君之任

戲簡鄭廣文

范二員外邈

題鄰縣郭三十二明府茅屋

送高司直尋封閬

州 哭韋大夫之晉 哭李

常侍嶧 寄岳州賈司馬

本賣文爲活書生道固殊騫騰訪知己棄擲傍天隅歎

息高生老時憂卞泣誅窮塗衰謝意日暮且踟躕

聞斛斯六官未歸

大厯三年春

湖中送敬十

別蘇僕

寄高三十五 舟出江陵

送嚴侍郎

贈韋左丞丈

白髮千莖雪黔溪瘴遠隨才高心不展道屈爾何爲側

想美人意虛傳幼婦詞熊兒幸無恙何用羽毛奇

鄭駙馬池臺

孟冬

寄李十二白

贈崔

十三評事

銅瓶

偶題

得家書

鸚鵡

莫問東流水君聽空外音文章千古事時序百年心死

去憑誰報愁來遽不禁情乖清酒送虛費短長吟

陪諸公上白帝城

擣衣

偶題

春日江村第一

喜達行在第三

風疾舟中伏枕書懷

哭台州

鄭司戶渝州候

嚴六侍御不到

寄周大

天度

許州六

不意書生耳傳聲能典州飄零仍百里埋沒已經秋塵

滿萊蕪飢貂餘季子裘君能徵感激吾病得淹留倘憶

江邊臥還同海上鷗草堂樽酒在容易往來遊

秦州雜詩第十一

奉送王信州

秋日夔府

破船

贈裴南郡

搖落

贈韋左丞丈

晚秋長沙

頻羅庵遺集

卷四

三

送王侍御 巴西驛
亭 朝雨 獨立

得彭生歸櫬消息

素幔隨流水人今何處船文章亦不盡刻畫竟誰傳他
日傷心極春深把臂前白頭遺恨在一擬問高天

哭嚴僕射歸櫬

峽隘

送竇九歸成都

白鹽山

秋笛 奉酬寇十侍御

寄劉峽州伯華使君

題鄭縣郭三十
二明府茅屋壁

都下寓齋有紫藤一架每花時招同人飲酌其下

秀水錢丈

載

嘗爲之圖同人詩亦聊寫其上歸里

後偶檢此幅感舊懷人一時竝集輒以四句記之
酒後嘗稱老畫師數篇今見古人詩燈前細雨檐花落

却憶年年人醉時

送鄭十八虔貶台州司戶
解悶十
二首第五
醉時歌
樂遊園歌

江上舊廬爲先會
大父隱居之地
草屋數間
池有樹自入城市
遂失料理
頃際毒熱
復苦人事
多擾
緬懷江村風景
成雜興絕句十三首
隨意編綴
不暇次第
聊遣長夏
竝識不忘云爾

江中風浪雨冥冥
雲水長和島嶼青
獨把漁竿終遠去
何人道有少微星

卽事一云天畔
題鄭十八著作作處
奉寄別馬巴州
嚴中丞在駕

野老牆低還是家
五株桃樹亦從遮
會須上番看成竹

豈循青門學種瓜

絕句漫興九首第二題桃樹
三絕句第三曲江陪鄭八丈

山意衝寒欲放梅
雙峯寂寂對春臺
久爲野客尋幽慣
一日須來一百回

小至又送岳麓山道
林二寺行三絕句第二

階面青苔先自生
門前小澗渾欲平
老夫臥穩朝慵起
客至從噴不出迎

院中適雨春水生二絕第一王
十七侍御掄許攜酒三絕句第三

野水春來更接連
倚江柎樹草堂前
新添水檻供垂釣
漫釣槎蕭縮項鰻

字文冕尚書之甥
江上值水如海勢

柑樹爲風雨所拔歎
解問十二首第六

爲覓霜根數寸栽柴門不正逐江開
幽棲地僻經過少但有羣鷗日日來

憑韋少府班覓松樹子
野老 有客 客至

歲時伏臘走村翁太向交遊萬事慵
爲問淮南米貴賤今年米賤大傷農

詠懷古跡第四 暮登西安寺鐘
樓 解問十二首第二 歲晏行

渡頭翠柳豔明眉強擬晴天理
釣絲喚婦出房親自饌呼兒覓紙一題詩

清明 中丞嚴公雨中垂寄
病後遇王倚飲 立春

嶺羅庵遺集卷四

三五

日處江樓坐翠微十猶八九負薪歸春寒野陰風景暮

石古細路行人稀

秋興八首第三 負薪行 送孔
巢父謝病歸 秋風二首之二

問柳尋花到野亭便教鶯語太丁寧如澠之酒常快意

他日杖藜來細聽

嚴中丞枉駕 絕句漫興第一
蘇端薛復筵 別李秘書

牛盡耕田蠶亦成柴門密掩斷人行日斜枕肘寢已熟

遮莫鄰雞下五更

蠶穀行 三絕句第三 狂歌行贈
四兄 書堂飲既夜復邀李尚書

自去自來梁上燕春來秋去作誰家舟人漁子歌回首

相趁鳧雛入蔣芽

江村 舍弟 赴藍田第
三 澆 夔州歌第五

晴浴狎鷗分處處
偶經花蘂弄輝輝
春來準擬開懷久
每日江頭盡醉歸

夔州歌第六 見螢火
二月一日第三 曲江第二

過冬心先生舊居有感

江村野堂爭入眼
眼見客愁愁不醒
徵君已去獨松菊
方朔虛傳是歲星
小院迴廊深寂寂
藥條菜甲潤青青
罷琴惆悵月照席
酒盡沙頭雙玉瓶

醉爲馬墜 絕句漫興九首第一 潭山人隱居
題鄭十八著作度 涪城縣香積寺 絕句四首第

四 送孔巢父謝
病歸 醉歌行

九日江眉居過予頻羅庵

宿昔青門裏同時待菊黃
卽今蓬鬢改怯見野亭荒
草頻年歲迢迢滯遠方

時君方從山左歸

我師嵇叔夜疏嬾意

何長

宿昔 樹間

九日五首第二

寄邛州崔錄事

宿鑿石浦

元日示宗武

入衡州西郊

青溪曲

摘花不插髮採藕不洗泥
遙憐小兒女一種住青溪

佳人 泛溪 月夜

自灤西荆扉第二

惟見林花落林花落又開
江邊踏青罷不見一人來

別房太尉墓 上白帝
城第二 絕句 早花

壬午九月四十初度二首

四十明朝過吾生後汝期形容吾較老鬢髮自成絲

草何曾歇繁花能幾時鏡中衰謝色少有外人知

杜位宅守歲 可惜 湖中送敬十使君 薄暮

秋日夔府詠懷 暮春題灑西第一 覽鏡 呈柏

中丞 宿昔

四十明朝過愁來賦別離涼風起天末草色向平池漸

惜容顏老都非少壯時何時一尊酒來把菊花枝

杜位宅守歲 偶題 天末懷李白 送王侍御往

東川 遣愁 可惜 春日懷李白 九日楊奉先

會白水

崔明府

前人未有集句賦物者戲詠梅鴈各二律本題詩

句禁勿用也

中州集党懷英有孤鴈黃菊集句五律二首亦雜集也

雪岸叢梅發蕭蕭挂冷枝野人時獨往微笑索題詩月
出山更靜春寒花較遲飛來雙白鶴相近竹參差

陪裴使君登岳陽樓

猿

朝二首第一

大雲寺

贊公房第一

西枝村尋置草堂地第二

人日兩

篇第一

銅官渚守風

過南鄰朱山人水亭

隨意坐莓苔郊扉冷未開嶺猿霜外宿羌笛暮吹哀庶

近幽人占

去

誰憂客鬢催傳聲看驛使難得一枝來

右

陪鄭廣文遊何將軍山林第五

朝二首第二

夜

秦州雜詩第八

日五首

第二

九

北雁塞聲微飄零何處歸燭斜初近見灘淺正相依不

畏道途永其如儔侶稀蘆花畱客晚故就別時飛

社日兩篇第一 螢火 舟中夜雪有懷 陪王漢
州 泥功山 歸鸞 峽口第二 送盧十四弟侍
御

十月清霜重天風吹汝寒我生若漂蕩世事各艱難空

裏愁書字天邊落點殘稻粱求未足不是怕湖灘 右鴈

螢火 廢畦 別贊上人 宴王使君宅第一 送
盧十四弟侍御 夕烽 寄李十二白 宴忠州使
君姪 宅

挽同年龔員外 同 二首

痛迫蘇耽井淒涼憶去年 君於上年丁
內艱歸里 爲郎從白首此

別問黃泉似爾官仍貴翻令室倒懸空餘總帷在朱紱

有哀憐

君沒無以為歛時學使者李鶴峯先生為君座主厚賻之

故右僕射和國張公倚杖歷歷哭李尚書寄彭州高三十五使君聞解斯六官未歸過故

解斯校書莊第一送韋書記赴安西

嗚呼子逝日多難不安居君以賃屋故衾枕成蕪沒門

庭悶埽除夫人先卽世驥子最憐渠莫恠啼痕數平生

意有餘

故祕書少監武功蘇公遠懷舍弟穎觀等 秋日夔府詠懷 秋清 哭王彭州掄 得家書 過南

岳入洞庭湖 贈李入祕書別

父執任處泉先生七十壽詩六首

興與煙霞會如公復幾人青山各在眼白髮好禁春中

散山陽鍛陶公漉酒中風流俱善價感激異天真

嚴公廳宴同詠奉簡高三十五使君峽隘奉

陪鄭駙馬韋曲第一贈比部蕭郎中寄張十二

山人秋日夔

府詠懷促織

刺史諸侯貴還家尚黑頭此邦千樹橘天外一沙鷗取

適事莫竝無營地轉幽何當擺俗累欲伴習池遊

寄劉峽州伯華使君晚行口號暮春題懷西第

一旅夜書懷漢陂西南臺屏跡第二橋陵

詩腕驪玉

江水東流去清渠一邑傳昔年有狂客比興展歸田卜

宅從茲老長吟不世賢眼前今古意端雅獨翛然

先生居面

湖鑑

陪王侍御宴通泉秦州雜詩第十二
寄李十二

白寄岳州賈司馬
為農
秋日夔府詠懷

灞上遊
哭
韋大夫之晉

新作湖邊宅
匡牀竹火鑪
捲簾惟白水
整履步青蕪
林

木在庭戶
雲山擁坐隅
登臨多物色
朗詠劃昭蘇

秋日寄題鄭監湖亭第二
李固請司馬弟山水
第一
悶
徐步
題衡山
宣王廟
北風

秋日夔府詠懷
大曆三年春

宿昔奉清尊
題詩好細論
郊扉存晚計
耕稼學山村
幽事供高臥
深居賴獨園
興來猶杖屨
筋力不辭煩

奉漢中王手札

弊廬遣興

春日江村第四

晚

屏跡第三

題忠州龍興寺

祠南夕望

貽華

陽柳
少府

是節東籬菊焉知清興終層城臨暇景華館闢秋風隱
吏逢梅福丹砂訪葛洪神仙才有數處處識壺公

九日寄岑參 苦雨奉寄隴西公 奉和殿中丞西
城晚眺 陪鄭公秋晚北池 送裴二虬作尉 奉
寄河南韋尹 敬簡王
明府 寄司馬山人

山居雜詩四十首

養拙更何鄉山林引興長古苔生迳地春草滿空堂何
處鶯啼切誰知酒熟香賤夫美一睡白日到羲皇

冬日洛城北 秋野第三 溪上 四松 上牛頭
寺 寄邛州崔錄事 七月三日亭午已後 重過
何氏 第四

懶慢頭時櫛蕭蕭白映梳無才逐仙隱何處狎樵漁山
果多瑣細村花不掃除深慚長者轍及此問吾廬

傷秋

贈李八祕書別

麈

將別巫峽贈南卿兄

北征

寄李十四員外布

酬韋韶州見寄

過

客相

溪行一流水山谷遠含風脩竹不受暑衰荷且暎空泛

舟慚小婦拾穗許村童更想幽期處招尋令節同

西枝村尋置草堂地第一

登牛頭山亭子

陪李

北海宴厓下亭

陪鄭公秋晚北池臨眺

草閣

暨往白帝復還東屯

與李十二白同尋

范十隱君

上巳日徐司錄林園宴集

柴門了無事落日對春華燕外晴絲卷風前逕竹斜鸞
花隨世界車馬入鄰家吾得終疎放山林跡未賒

聞惠二過東溪 入喬口 春日江村第四
卽事 陪李梓州 貽阮隱居 次晚洲 陪鄭廣
文遊何將軍 山林第四

野客茅茨小溪邊四五家
脩織無垠竹側塞被徑花
季月當泛菊陽陂好種瓜
老夫如有此自覺酒須賒

佐還山後寄第一 溪上 鐵堂峽 大雲寺贊公
房第四 課伐木 秦州第十三 秦州第九 復
愁第十 一首

暝色延山徑溪風滿薄帷
牛羊識童僕鳥鵲依茅茨
得與不暇懶有情且賦詩
江村意自放不是傲當時

宿江邊閣 諸葛廟 反照 赤谷西崦人家 晦
日尋崔戢李封 四松 暇日小園散病 獨酌
細草微風岸蟠根積水邊
歌長擊樽破老困撥書眠
逕

轉山田熟巖排石樹圓分明見溪畔野鷺宿娟娟

旅夜書懷

白鹽山

屏跡第三

九月一日過孟

十二倉曹

赤谷西崦人家

秋日夔府詠懷

行

官張望補稻畦水歸

舟月對驛近寺

白屋留孤樹清江空舊魚敢爲故林主眞作野人居

亂誰能帙葵荒欲自鉏時來憇奔走鄉黨羨吾廬

高昌舍弟書至

遣興五首之五 四松

重過

何氏五首第一

晚晴

秋野五首第一

大雲寺

贊公房第四 遠

懷舍弟穎觀等

隨意宿僧房心清聞妙香兩邊山木合半嶺暮雲長獨

立霜毛整無人碧草芳臥愁病腳廢未暇杖崇岡

和裴迪登新津寺

大雲寺贊公房第三

子規

薄遊

故右僕射相國張公

陪王使君晦日泛江

望岳 客居

人見幽居僻門庭畏客頻古牆猶竹色枯木半龍鱗餘
潤通藥圃微馨借渚蘋晚風爽烏匿疎快頗宜人

晚 從驛次草堂第二 滕王亭子 謂先主廟
太平寺泉眼 湘夫人祠 七月三日亭午已後
至賓

愛酒晉山簡狂遺白接羅古人不可見痛飲直吾師正
月喧駕未春風啜茗時數杯資好事似向習家池

北鄰 陪鄭廣文遊何將軍山林第八 贈祕書監
江夏李公 醉時歌 將別巫峽贈南卿兄 重過
何氏第三 贈鄭十八賁
從驛次草堂復至東屯第一

誅茅初一畝喧已去人羣菊舍連高竹空山有斷雲孤

光隱顧盼秋興坐氤氳此樂幾難朽兒童未遣聞

寄題江外草堂

題柏大兄弟山居第二

陪鄭廣

文遊何將軍山林第四

別房太尉墓

桔柏渡

戲寄崔評事表姪

將適吳楚畱

別章使君

秦州雜詩第十六

此地生涯晚畦蔬遠舍秋巢多衆鳥鬪竹細野池幽好

靜心迹素閉關人事休如何拒鄰叟來往亦風流

送李功曹之荊州

秋日阮隱居致薤

夏日李公

見訪上牛頭寺

西枝村尋置草堂地第一

熱寄簡

遭田父

泥飲寄贊上人

濃淡樹榮枯松門似畫圖絺衣挂蘿薜漁屋架泥塗幽

事亦可悅徐行得自娛僕夫穿竹語爲我指山隅

大歷三年春白帝城放船

反照

陪鄭廣文遊何

將軍山林第九

過南岳入洞庭湖

北征

奉陪

李金吾花下飲 自閬州

領妻子第三 潼關吏

老矣逢迎拙，眞爲爛漫深。
羣書一萬卷，苦調短長吟。
明月照我膝，孤雲無自心。
平生爲幽興，日夜偶瑤琴。

奉贈盧五丈參謀琚 長吟 鄭典設自施州歸

送嚴侍郎到綿州 寫懷第二 西閣第一 陪鄭

廣文遊何將軍山林第一 陪鄭 一 阻雨不得歸灤西

爲問南溪竹，還尋北郭生。
濁醪自初熟，短褐更無營。
舍下筍穿壁，籬邊水向城。
數篇吟可老，何得尚浮名。

送韋郎司直歸城都 與李十二白同尋范十隱居

泛溪 太子張舍人 絕句六首第五 正月三

日歸溪上 寄張十二 山人 水檻遺心第二

野屋流寒水，華亭入翠微。
自須開竹迳，復作掩荆扉。
童

孺交遊盡東西消息稀五陵花滿眼未肯羨輕肥

題柏大山居屋壁第二首 重題鄭氏東亭 秋日
寄題鄭監湖上亭第二首 贈韋贊善別 哭韋大

夫之晉 憶弟第二

贈別何邕 甘林

縣郭輕烟畔江村亂水中犬迎曾宿客花發去年叢老
樹空庭得高山四面同幽陰成頗雜斤斧任樵童

通泉驛 向夕 重過何氏第二 老病 秦州雜
詩第十二 自漢西荆扉第一 惡樹 遣悶奉呈

公嚴

長日容杯酒花時貰縵袍軟沙欹坐穩亂石閉門高自
顧亦已極此生隨所遭匣琴虛夜夜未與俗人操

泛江 遣過 軍中醉歌 崔駙馬山亭宴集 容
堂 避地 西閣三度期大昌 題柏大兄弟山居

第一

幽尋豈一路挽葛上崎峯隱見巖姿露參差谷鳥吟區

區甘累趺渺渺獨閑襟直評杉松冷喜聞樵牧音

西枝村尋置草堂地第二首 上後園山脚 雨
彭衙行 贈王二十四侍御契 過津口 奉觀嚴

鄭公廳事 阻
雨不得歸渡西

遠色有諸嶺大江當我前危沙折花當去倒石賴藤纏

野鶻翻窺草春鷗懶避船輕帆好去便恣意買江天

西枝村尋置草堂地第二 水會渡 次晚洲 秋
日夔府詠懷 復愁第一 行次古城店 江漲

春日江
村第二

漠漠春辭木林鷺遂不歌何時占叢竹誰道避雲蘿門

逕從榛草江天足菱荷經過倦俗態客至欲如何

客堂

暮寒

奉陪鄭駙馬

韋曲第一

秋日寄題

鄭監湖上亭

第二

畏人

莫春陪李尚書

甘林

絕句六

首第二

牢落乾坤大吾知拙養尊頗遭官長罵常荷地主恩策

杖古樵路讀書秋樹根老來苦便靜何意更相喧

奉寄河南

韋尹

晚

戲簡鄭廣文

兼呈蘇司業

園官送菜

宿花石戍

孟氏

漢陂西南臺

春

水

雲薄翠微寺娟娟林表峯溪行水奔注山峻路絕蹤風

雨秋一葉烟霞嶂幾重幽人有高步攜我豁心胸

重過何氏

第二

惠義寺

送王少尹

送高司直

尋

閩州

鳳皇臺

故司徒李公光弼

謁真諦寺禪

師雨
已西驛亭

隱几接終朝無他亦自饒江蓮搖白羽野竹上青霄暗

水流花逕斜暉轉樹腰縛柴門窄窄體物幸鷓鴣

哭王彭州掄 鷓鴣 已上人茅齋 陪鄭廣文遊何將軍山林第一 夜宴左氏莊絕句 六首 第四 秋

日夔府詠懷 奉 贈盧五丈參謀琚

老去一杯足朋來有醉泥衰顏甘屏跡徧性合幽棲策

杖時能出登樓望欲迷村村自花柳爲伴宿青谿

臺上 孟倉曹步趾領新酒醬二物 屏跡第三首 畏人 戲題寄上漢中王第二首 春日梓州登

樓第一首 遭田父泥飲美嚴中丞 晚秋陪嚴鄭公摩訶池泛舟

風磴吹陰雪樵歌稍出村兼將老藤杖正閉小蓬門鄰

舍煩書札兒童惠討論憑誰給麴蘖爛漫倒芳樽

陪鄭廣文遊何將軍山林第六 刘稻了咏懷 路逢襄陽楊少府入城 秦州雜詩第十 二十五前

閣會 贈比部蕭郎中 歸來 寄高適

歲月在衡門官高何足論秋風吹几杖旭日散雞豚帖石防頽岸連筒灌小園東陵跡蕪絕懷古意空存

東屯月夜 佳人 秋野第二 刘稻了咏懷 早起 春水 園人送瓜 贈比部蕭郎中十兄

田父實爲鄰江村獨老身人烟生處僻牛力曉來新采柏動盈掬得魚已割鱗眼邊無俗物披豁對吾真

從驛次草堂第二 十七夜對月 復愁十二首第一 暇日小園散病 佳人 泛溪 漫成第一

奉簡高三十五使君

惟見林花落時能點客衣汀烟輕冉冉竹露久微微亂
水通人過殘雲傍馬飛灌園曾取適永息漢陰機

別房太尉墓 螢火 寒食 晚晴 山寺
重題鄭氏東亭 迴棹 登舟將適漢陽

林僻來人少歸林鳥却迴課奴殺青竹攜子臥蒼苔釣
艇收緝盡柴扉埽徑開天機近人事勿受外嫌猜

傷秋 熱第二 催宗文樹雞柵 昔遊 復
愁第二 晚晴吳郎見過 獨立 示從孫濟

落落展清眺青山自一川鷺兒黃似酒錦石小如錢壞
道哀湍瀉疎籬野蔓懸飛來兩白鶴翻却釣魚船

次空靈岸 鄭典設自施州歸 舟前小鷺兒 秋
日夔府詠懷 玉華宮 季秋江村 暇日小園散

病 絕句
九首第三

頻羅庵遺集 卷四

有客過茅宇金錢罄一餐疏通略文字豁達露心肝獨
坐親雄劔低頭著小冠此生遭 聖代高臥豈泥蟠

賓至

與鄆縣源大少府宴漢陂 送從弟亞赴河

西

彭衙行

夜

歸來

大曆三年春

宴王使

君宅

曠絕經目趣江湖
眇霽天出塵皆野鶴
落樹有驚蟬
本自依迦葉祇應學水仙
篙師煩爾送送老白雲邊

又雨

哭韋大夫 大曆三年春 夜第一首 秋

日夔府詠懷

舟中

迴棹

秦州雜詩第十四

喬木村墟古颼颼
林響交喜無多屋
宇偏愛此江郊
秋水通溝洫荒階蔓草芽
長歌敲柳瘦凍雨落流膠

季秋江村

積草嶺

茅堂檢校第一

題新津北

倚樓

與任

城許主簿遊南池

陪諸公上白帝城

贈王二十四

侍御契 枯枿

野樹欹還倚春池賞不稀清風爲我起好鳥知人歸憑
久烏皮坼新梳白髮微宵來尋一老墨客興無違

九日五首之第四

陪王漢州留杜綿州泛房公西

湖 四松

甘林

寄劉峽州伯華使君

九日諸

人集于林

王十五司馬

弟出郭

宴胡侍御書堂

江月光於水江風借夕涼人烟眇蕭瑟沙草得微茫靜
者心多妙秋來興甚長高樓夜吹笛乘月坐胡牀

江月

遣悶

北征

奉觀嚴鄭公廳事

寄張十

二山人

寄彭州高三十五

遣興五首第一

樹

間

朝來偶然出拄策忘前期采藥吾將老看鷗坐不辭江

清心可瑩雲在意俱遲落日平臺上今朝豁所思

遭田父泥飲

法鏡寺

秦州雜詩第十六

兩四

首第二

寄李十四員外布

江亭

重過何氏第

二移

居公安

漸喜交遊絕柴扉永不關幽棲誠簡略緩步有躋攀霄

漢愁高鳥鄉園獨舊山百年已過半休鑷鬢毛斑

遣意第一

草閣

范二員外邈

早起

巴西驛

亭

宴王使君宅第二

因崔五侍御寄高彭州

秦州雜詩

第十五

山僧衣藍縷沽酒攜胡蘆見訪荒江眇貪看絕島孤有

同枯椶木願作冷秋菰預恐樽中盡清談慰老夫

山寺

草堂

聶耒陽以僕阻水

觀李固請司馬

弟山水圖第一首

枯椶

熱三首之一

夏日李

公見訪 送高
司直尋封閩州

哭丁誠齋四首

前輩復誰繼斯人今則亾直爲心厄苦猶記酒顛狂用
拙存吾道端憂問彼蒼昔曾如意舞神妙獨難忘

贈祕書監江夏李公邕
遣興五首第四 得舍
弟消息 戲題寄上漢中王第三
屏跡第一 遣

閩 宴忠州使君姪宅
送許八拾遺歸江寧

他日憐才命終身恨不平貧知靜者性老逐衆人行
視
褐卽長夜青山猶哭聲篋中有舊筆墨淡字欵傾

別蘇侯 不歸 貽阮隱居 悲秋 遣興五
首第五 新安吏 客居 同元使君春陵行

何處埋爾骨空餘老驢驢青衿一憔悴白首缺輝光處

士節獨苦前賢命可傷吾將罪真宰真宰意茫茫

鹿頭山 秦州雜詩第五 題衡山縣文宣王廟

送大理封主簿五郎 遣興五首第二 寄彭州高

三十五使君 劍門

遺興二首之一

幾地別林廬傷時會合疏平生滿尊酒天地一丘墟俯

仰悲身世經過歎里閭流傳江鮑體價重百車渠

將別巫峽贈南卿兄 得家書 故祕書少監武功

蘇公 秋日荆南送右首薛明府 秦州雜詩第十

二 贈李入祕書別 贈

舉四曜 謁文公上方